



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd ita non sit, vt quidam affirmant, quòd Deus ob hoc minatus sit
æternam poenam peccantibus, vt corrigeret à malis. lxii.

urn:nbn:de:hbz:466:1-10722

non emendatur. De quo videlicet peccato per Ioannem dicitur: Est peccatum ad mortem, non pro illo dico, ut roget quis. Peccatum nanque ad mortem est: quia scilicet peccatum quod hic non corrigitur, eius venia frustra postulatur. De hoc adhuc subditur: Obliviscatur eius misericordia. Omnipotentis Dei misericordia obliuisci eius dicitur, qui omnipotentis Dei iustitiã fuerit oblitus. Quisquis eũ nũc iustum non timet, post inuenire non valet misericordem.

Vt omnes animæ electorum credendæ sint esse in cælo, & iniquorum animæ in inferno. Cap. LX.

Ex dialo. Gregorij. **I**nquisitioni meæ iam video sufficienter satisfactũ, sed hoc est adhuc quod quæstione animum pulsat. Quia *Petrus in interrogat.* cum superius dictum sit esse iam sanctorum animas in cælo: restat proculdubiò, ut iniquorũ quoque animæ esse non nisi in inferno credantur, & quid de hac re habeat, veritas ignoro. Nam humana æstimatio nõ habet, peccatorum animas posse ante iudicium cruciari. Si esse sanctorũ animas in cælo sacri eloquii satisfactione credidisti, oportet *Respõsio Gregorij.* ut per omnia esse credas iniquorum animas in inferno: quia ex retributione æternæ iustitiæ, ex qua iam iusti gloriãtur, necesse est per omnia, ut & iniusti crucientur. Nam sicut electos beatitudo lætificat, ita credi necesse est, quod à die exitus sui, ignis reprobos exurat.

Quod sicut finis non est gaudio bonorum, sic finis non est tormentis malorum. Cap. LXI.

Ex dialo. Gregorij. **N**unquid nam quæso te dicimus eos, qui semel illic *Int. Pet. Gre. ref.* merfi fuerint, semper arduos? Cõstat nimis, & incũstanter verũ esse: quia sicut finis non est gaudio bonorum, ita finis non est tormentis malorum. Nam cum veritas dicat: Ibunt hi in supplicium æternum, iusti autẽ in vitam æternam: quia verũ est quod promissit, falsum proculdubio non erit quod minatus est Deus.

Quod ita non sit, ut quidam affirmant, quod Deus ob hoc minatus sit, æternam pœnam peccantibus, ut corrigeret à malis. Cap. LXII.

Ex dialo. Greg. Petr. inter. Gre. ref.

QUID si quis dicat, idcirco Deus peccantibus æternam penam minatus est, ut eos à peccatorum perpetratione compesceret? Si falsum est quod minatus

est, vt ab iniustitia corrigeret, etiam falsa est pollicitus, vt ad iustitiam prouocaret. Sed quis hoc dicere, vel insanus præsumat? Et si minatus est, quod nõ erat impleturus, dum asserere eum misericordem volumus, fallacem, quod nefas est dicere, prædicare compellimur.

Cur peccata quæ cum fine perpetrata sunt, sine fine puniantur. Cap. LXIII.

SCIRE velim, quomodo iustū sit, vt culpa quæ cū fine perpetrata est, sine fine puniatur. Hoc rectè diceretur, si di- *Ex eod.*
strictus iudex non corda hominum, sed facta pensaret. Ini- *Pet. int.*
qui enim ideo cum fine deliquerunt: quia cum fine vixe- *Gre. ref.*
runt. Nam voluissent vtique, si potuissent, sine fine viuere, vt potuissent sine fine peccare. Ostendūt enim, quia in peccato viuere semper cupiunt, qui nunquam desinūt peccare, dum viuunt. Ad magnam ergo iustitiam iudicatis pertinet, vt nunquam careant supplicio, qui in hac vita nunquam voluerunt carere peccato.

Quòd Deus pius sit, & non pascatur cruciatu miserorū, iustus autem, & ideo non sedetur in perpetuum ab iniquorum vltione. Cap. LXIII.

SED nullus iustus crudelitate pascitur, & delinquens *Ex eod.*
seruus à iusto domino, idcirco cædi præcipitur, vt à ne- *Pet. int.*
quitia corrigatur. Ad hoc enim vapulat, vt emendare de- *Gre. ref.*
beat. Iniqui autem gehennæ igni traditi, si ad correctionē nunquam veniant, quo sine semper ardebunt? Omnipotēs Deus, quia pius est, miserorum cruciatu nõ pascitur: Quia autem iustus est, ab iniquorum vltione in perpetuum non sedatur. Sed iniqui omnes æterno supplicio deputati, sua quidem iniquitate puniuntur, & tamē ad aliquid ardebūt, scilicet, vt iusti omnes, & in Deo videant gaudia quæ percipiunt, & in illis respiciant supplicia quæ euaserunt, quatenus in æternum tantò magis diuinæ gratiæ debitores se esse cognoscant, quantò in æternum mala puniri conspiciunt, quæ eius adiutorio vicerunt.

De hoc si ante restitutionem corporum, animæ iustorum in cælum recipiantur. Cap. LXV.

PLACET quod dicis: Sed velim nosse, si nūc ante re- *Ex eod.*
stitutionem corporum in cælum recipi valeant animæ *Pet. int.*
Gre. ref.